

Årsmelding for Vaksdal kyrkjelege fellesråd 2022



Innholdsfortegnelse

1.0 Innleiing frå kyrkjeverja.....	3
2.0 Medlemmar i fellesrådet.....	4
2.1. Om Fellesrådet	4
3.0.Oversikt over den kyrkjelege organisasjonen	5
4.0 Stillingar i kyrkjene 2022	6
5.0 Statistikk for sokna i Vaksdal 2022	6
6.0 Budsjettr grunnlag for 2022, bakgrunn og kommentarar av dei viktigaste punkta	7
6.1.Kommentar til budsjettfunksjon 041 administrasjon	7
6.1.1. Diakoni	7
6.1.2. Kontormedarbeider	7
6.2.Kommentar til budsjetts funksjon 042 kyrkjer	8
6.3.Kommentar til budsjetts funksjon 043 gravplassar	8
6.3.1 Verdibevarende vedlikehald av gravplassar.....	8
6.4. Kommentarar til investeringsramme på funksjon 042, kyrkjer.....	9
6.4.1 Universell utforming Dale kyrkje	9
6.5. Kommentarer til investeringsramme på funksjon 043, gravplassar	9
6.5.1 Ny GPS måling og SOSI standard på gravplassen	9
6.5.2. Utvidelse av Dale gravplass.....	9
7 Kyrkjemusikk 2022	10
7.1 Orgelundervisning.....	10
7.2 Stamnes Barnekor.....	10
7.3 koraktivitet	10
7.4 Diverse Konsertar.....	11
8 Årsmelding trusopplæring.	12
9 Diverse prisar og satsar for 2022.....	14
10 Kyrkjebladet for Vaksdal.....	15
11 Straumutgifter kyrkjene	15
12 Kommentarar til vedlagt rekneskap	16
12.1 Festeavgifter	16
12.2 Sumarstell og gravlegat.....	16
13 Vedlagt regnskap for VKF 2022 med notar	18

1.0 Innleiing frå Kyrkjevevja



Årsmeldinga skal ta utgangspunkt i, og gje ei vurdering av, vedtekne målsetjingar, planar og budsjett. Årsmeldinga er utarbeida etter «foreskrift om økonomiforvaltning for sokna i den norske kyrkje §12»

På denne måten kan ressursbruken på ulike områder vurderast, og leggja grunnlag for kommande års planar og budsjett.

Årsmeldinga skal gje opplysningar som er viktige for å vurdere fellesrådet si økonomiske stilling, og andre forhold som ikkje utan vidare går fram av rekneskapen.

Vaksdal kyrkjelege fellesråd (VKF) bad om 5.651.900 til drift i 2022. Dette betyr at fellesrådet hadde vore inne å kutta om lag 1 million på budsjettet samanlikna med søknaden i 2021. Det er viktig for VKF å målbera dei reelle utgiftene som organisasjonen hadde hatt om ein skulle drive forsvarleg etter trdomssamfunnslova og gravferdslova. Me leverte også inn ein fullstendig økonomiplan til kommunen der me gjorde grundig greie for behovet for driftsmidlar, samt utgifter som me ser vil komma dei næraste åra. Det er mellom anna store vedlikehaldsetterslep på bygg og anlegg. Det er også behov for ein merkantil stilling, og det er behov for ein diakon. Vaksdal kommune løyvde 3.850.000 til driftsbudsjettet for 2022. Dette er langt under det fellesrådet søkte om. I tillegg til dette, er det same summen som i 2019 og 2020 og 2021. Dette betyr at budsjettet til VKF også i 2022 vart kutta med fleire prosent.

2022 er eit år som har vore prega av at me har fått starta opp igjen alle aktivitetane våre etter 2 år med Covid. Det er godt å kunne jobba på ein normal måte, og sleppe å tenke på smittevern og mogleg stopp av aktivitetar, noko som har prega dei 2 siste åra.

Straumkrise har slått til for fult dette året. Dette har gjort at kostnadane til fellesrådet har stege dramatisk i 2022. Dette gjer at ein må tenke nøye igjennom korleis ein brukar bygningsmasse, og korleis me skal få forbruket vårt mindre. Samtidig er kyrkjene våre monumentale bygg, som er dyre i drift. Både instrument og annan kunst i bygga, krev at ein har ein viss basisvarme i bygga.

Vaksdal kommune har også ein tenesteytingsavtale med Vaksdal kyrkjelege fellesråd om tenesteyting på gravplassen. Verdien av denne avtalen vert kvart år satt til den reelle kostprisen av dei tenestene som kommunen yter på gravplassane i Vaksdal. VKF leverte inn forslag til Vaksdal kommune om ein ny tenesteytingsavtale i 2022. Denne er ikkje signert enno.

Sidan fellesrådet har måtta driva i fleire år med svært knappe midlar, tærer dette på fonda våre. Likviditeten til fellesrådet er også ei stadig bekymring. Om det ikkje skjer drastiske endringar frametter vil fellesrådet sin drift gå i minus.

Med alle dei utfordringane som har vore i 2022, sit VKF igjen med eit klart ynskje om tettare samarbeid med kommunen. Dette trur me er den beste løysinga på dei utfordringane me har.


2.0 Medlemmar i fellesrådet

Leiar:	Lars Patterson	Eksingedalen sokneråd Vara: Ole Jakob Nese
Nestleiar	Anne Hilde Fosse Osvold	Bergsdalen sokneråd Vara: Lise-Lotte Småbrekke
Medlem	Anne Margrete Eikefet	Stamnes sokneråd Vara: Eidrun S Normann
-----	Elisabeth Verpelstad	Dale sokn Vara: Odd Dyvik
-----	Anders Boge	Vaksdal sokneråd Vara: Odd Arild Faugstad
-----	Evelyn Gullbrå	Nesheim sokn Vara: Magnar Nese
-----	Frode Kvamsøe	Geistleg representant Vara: Edvard Bø
-----	Hege Eide Vik	Vaksdal kommune Vara: Erlend Hesjedal
Sekretær	Bjart-Magnus N Rosvold	Kyrkjeverje

2.1 Om fellesrådet

Fellesrådet sine medlemmer er indirekte valt etter kyrkjevalet og kommunevalet. Det er ein representant frå kvart sokn i Vaksdal kommune, samt ein representant frå kommunen og ein geistleg representant. 55 % av representantane i fellesrådet er kvinner. Fellesrådet søker å ha likestilling mellom kjønna i dei utval/grupper ol. som fellesrådet har ansvaret for. VKF hadde 7 møter og handsama 42 saker i 2022. Møta har dette året vore haldne på Elvahuuset på Dale. Det er kyrkjeverja som i samarbeid med eit arbeidsutval førebur sakene til fellesrådet. Kyrkjeverja er sekretær for fellesrådet. Fellesrådet sine møter er offentlege og opne for tilhøyrar. Mange av sakene frå 2022 omhandlar tema økonomi. Knappe resursar og store utgifter gjer prioriteringane til fellesrådet ekstra utfordrande. Fellesrådet uttrykker ei spesiell uro for tilstanden på kyrkjebygga og eit stort vedlikehaldsetterslep. Gravplassane er også eit tema som går igjen i møta våre. Dei fleste gravplassane i Vaksdal har behov for vedlikehald og opprusting.

3.0 Oversikt over den kyrkjelege organisasjonen



Den norske kyrkja har delt leiarskap. Fellesrådet tilset dei kyrkjelege medarbeidarane lokalt, medan bispedømerådet tilset prestane. Sokna er det den juridiske eininga i kyrkja, og fellesrådet jobbar for og på vegne av sokna i Vaksdal. Kyrkjeverje Bjart-Magnus N Rosvold er dagleg leiar i fellesrådet og gravplassforvaltninga. Det er biskopen som er arbeidsgjevar for prestane i Vaksdal. Biskopen tilset mellom anna prestar, og bestemmer kva gudstenester me skal ha i kommunen. Sokneprest Edvard Bø er i Vaksdal og Stamnes sokneråd. Sokneprest Frode Kvamsøe er i Bergsdalen, Dale, Eksingedalen og Nesheim sokneråd.

Gjennom forskjellige råd og utval er det mykje kontakt og samarbeid mellom arbeidslinjene. Dei pilane som er teikna inn, viser berre dei viktigaste bindingane. Etter den nye loven om trdomssamfunn vart gjeldande frå Januar 2021, har kyrkja jobba med ei større omorganisering. Dette betyr at me nok vil sjå ein del endringar i dette organisasjonskartet i åra frametter.

4.0 Stillingar i kyrkjene i 2022

1=Vaksdal, 5 = Eidsland
 2=Dale, 6 = Eksingedalen
 3=Bergsdalen, 7 = Nesheim
 4=Stamnes

Kyrkjetenarar (1,2,3,4,5,6,7)	5 personar	0,7 årsverk	
Klokkarar (1)	1 person	0,1 årsverk	
Klokkarar (2,3,4,5,6,7)	6 Stillingar utan fast tilsette	0,5 årsverk ledig	
Kyrkjeg.arb (3,5,6,7)	3 personar	0,2 årsverk	
Kyrkjeg.arb (1,2,4)	tenesteyting	0 årsverk ledig.	
Reinhaldarar (6,7)	1 person	0,1 årsverk	
Sekretær	1 stilling		1 årsverk ledig
Kyrkjevevje	1 person	1,0 årsverk	
Kantorar	2 personar	1,5 årsverk	
Trusopplærar	1 Person	0,5 årsverk	

Sum	14 personar tilsette	7 ledige stillingar .
	4 årsverk (om lag)	1 ledig årsverk

Kyrkjetenar, organist, kyrkjevevje og klokkar er lovpålagte stillingar.

5.0 Statistikk for sokna i Vaksdal 2022

Litt om tala i tabellen

Tala i tabellen er basert på dei tala som kyrkja har levert inn til Statistisk sentralbyrå. I talet på gudstenester ligg dei ordinære gudstenestene i kyrkjene våre, ekstra gudsteneste ved gjestande kyrkjelydar o l, skulegudstenester og nattverdsgudstenester. Andaktar er andaktar på institusjonane på Dale og Vaksdal. I Stamnes sokn er det to kyrkjebygg eit på Stamnes, og eit på Eidslandet. Tala gjeld samla for begge kyrkjene. I tala på gravlagde på Dale er også gravleggingar på Stanghelle tatt med.

Tala på gravferder gjeld dei som har hatt kyrkjeleg gravferd/bisetjing i Vaksdal og er gravlagde/jordfesta i 2022. Urneandelen i Vaksdal er dette året 26,5 % mot 32,5 % i 2021. I 2022 har det ikkje vore gjennomført gravferder i Vaksdal som ikkje er kyrkjelege.

Tala på vigslar gjeld både vanleg kyrkjeleg vigsel og forbønshandlingar for tidlegare inngåtte borgarlege ekteskap. Dette talet er sterkt påverka av pandemiåret me har vore igjennom.

Aktivitet	Bergsdalen	Dale	Eksingedalen	Nesheim	Stamnes	Vaksdal	Totalt
Gudstenester	9	23	8	8	28	26	102
Frammøtte	197	1634	82	196	960	1214	4283
Døypte	1	10	0	0	4	4	19
Konfirmantar	0	13	0	0	7	16	36
Vigslar	1	3	0	1	1	1	7
Gravferder	3	16	3	2	12	21	57
Innmeldte	0	0	0	0	0	0	0
Utmeldte	0	4	0	0	4	5	13

6.0 Budsjettgrunnlaget for 2022, bakgrunn, og kommentarar av dei viktigste punkta

VKF søkte om kr. 5.653.636 til drift av kyrkjer og gravplassar. Kommunen gav oss 3.850.000. Me søkte også om 1.200.000 til investering i kyrkjene i Vaksdal, me fekk 200.000. Tenesteytingsavtale mellom Vaksdal kommune og fellesrådet har kommunen bestemt har ein øvre verdigrense på 1.200.000, men det er det reelle forbruket som vert ført som kalkulatoriske inntekter og utgifter i fellesrådet sitt rekneskap.

Budsjettframlegget var bygd på føresetnadane i trossamfunnsloven §14 og gravferdslova § 3 om kommunen sitt økonomiske ansvar.

6.1 Kommentarar til budsjettets funksjon 041 Administrasjon

6.1.1 Diakoni

Diakoni er kyrkja si omsorgsteneste uttrykt gjennom praktisk handling i medmenneske sin kvardag, og dette arbeidet er både førebyggjande og lindrande i sokn og nærmiljø. Arbeidet bygger i stor grad på frivillige ressursar og utstrekt samarbeid med andre organisasjonar og det offentlege hjelpeapparat. Dette skal være et lågterskeltilbod i nærmiljøet til både barn, unge og vaksen. Samtalegrupper, kulturaktivitetar, leksehjelp og språkopplæring er noko av det kyrkja kan tilby i denne typen stilling. Kyrkja erfara ein auka etterspørsel frå menneske i forskjellige livssituasjonar og fasar, der dei har bruk for diakonale tiltak.

Vaksdal har ikkje hatt ei diakonstilling sjølv om ei slik stilling kan finansierast i kombinasjon kommunale midlar og midlar frå Bjørgvin bispedømme.

Ei bevilling frå kommune vil gjere det mogleg å få på plass ei diakonstilling. Erfaringar frå mellom anna Bergen viser at desse tiltaka er positive både for folk i kommunen og den totale kommunale økonomien sett under eitt. Det er med andre ord slik at for kvar krone kommunen legg inn i eit slikt arbeid får dei meir en ei krone tilbake.

For å få midlar frå Bispedømme er det er forutsetning at 50 % av stillinga vert finansiert lokalt. Ved ein kombinasjon av kommunale og statlege midlar, ynskjer me å tilsette ein diakon i VKF.

6.1.2 Kontormedarbeidar.

Vaksdal kyrkjelege fellesråd har i lengre tid hatt behov for ein kontormedarbeidar/sekretær. I dag er det slik at kyrkjevevja er den einaste merkantile resursen ved kontoret. Dette gjer organisasjonen svært sårbar. Den fører også til at både kyrkjevevja, og andre tilsette stadig vekk lyt gjera arbeid som ikkje ligg under deira stillingsinstruks. Når ein sit med hovudansvaret for kyrkjebygg og gravplassforvaltninga er det viktig for VKF at dette vert trygga på ein god måte. Ein merkantil resurs i ein 50%-100% stilling vil kunne hjelpe til med.

Grunna manglande finansiering frå Vaksdal kommune, var det diverre ikkje anledning til å opprette ei slik stilling. Mangelen på ein merkantil resurs fører til betydeleg ekstraarbeid både for dei tilsette i fellesrådet og prestane. Arbeidspresset ved kyrkjekontoret er høgt, og arbeidsmengda er til tider så stor at det kan være fare for helsa til dei tilsette

6.2 Kommenterar til budsjettets funksjon 042, kyrkjer.

Kyrkjebygga våre er monumentale bygg – signalbygg i landskapet – som betyr svært mykje for mange av innbyggjarane i Vaksdal.

Også dette året har me hatt noko midlar til vedlikehald. Grunna budsjettsituasjonen er det diverre mykje «brannsløkking» og for lite av det planlagt vedlikehald. Me ser dette året at det meste av det me har brukt pengar på er å fornye og vedlikehalda gamle VVS løysingar.

Vaksdal kommune bevilga ikkje noko ekstra til vedlikehald. Me har difor berre kunna tatt oss av det aller mest naudsynte dette året. Vedlikehalde inkluderer diverse småjobbar utført av både elektrikar og rørleggjar

Sokneråda gjer også ein betydeleg innsats på vedlikehaldsfronten. Utan denne innsatsen ville vedlikehalde av kyrkjene vore mykje dårlegare, og dei staslege gamle bygga ville ikkje sett så fine ut som dei trass alt gjer

6.3 Kommenterar til budsjettets funksjon 043, gravplassar.

VKF som gravplassforvaltning for Vaksdal kommune legg vekt på å bevare gravplassar der folk bur, i tråd med kommunens planer og strategi. Gravplassane er livsynsopne og for alle innbyggjarane i kommunen. Det skal leggst til rette for alternative gravferdsformer som til dømes retningbestemte graver og namna minnelund. Det er naturleg at ei slik tilrettelegging vert gjort på dei meir sentrale gravplassane i kommunen (Dale og Vaksdal). Gravplassane i Vaksdal skal ha parkstandard, og skal vera ein eigna stad til ro og ettertanke.

Me ynskjer å ta vare på dei av gravplassane våre som er freda etter kulturminnelova (Stamnes, Eksingedalen og Nesheim). Fellesrådet vil lage ein eigen verneplan for desse samt andre enkelt monument på andre gravplassar i kommunen som ein skal ta slikt omsyn til.

6.3.1 Verdibevarande vedlikehald av gravplassar.

I tillegg til dei gravplassane kommunen har ansvar for gjennom tenestyttingsavtala mellom kommunen og fellesrådet, har kyrkjeleg fellesråd ansvar for 4 gravplassar. På desse gravplassane står det også bygg som skal vedlikehaldas (redskapsskur, klokketårn). Me ser spesielt at fleire av bygga har behov for naudsynt vedlikehald. Slik drifta er i dag kan ein vanskeleg syte for at gravplassane våre vert haldne i hevd, slik som folk i Vaksdal har krav på. Me har difor i fleire år prøvd å auke budsjettet på gravplassane for å bøte på dette.

Det vart heller ikkje her løyvd nokon ekstra midlar i 2022. Sjølv om det er gjort noko mindre arbeid på gravplassane som fjerning av vekstar, og ny grus på gangveggar er det mykje arbeid som står at.

6.4 Kommentatarar til investeringsramme på funksjon 042, Kyrkjer.

6.4.1 Universell utforming Dale kyrkje

Kyrkjene våre er bygg som stadig treng oppgraderingar. Det er eit ynskje om at alle skal kunne nytte kyrkjene våre. Dale kyrkje er den kyrkja i kommune der det er mest aktivitet. I tillegg til kyrkjelege handlingar, vert den nytta mykje som konsertarena for kor, korps og andre. I fleire år har det vore eit ynskje frå folk på Dale og Dale sokneråd, at det vert laga ein inngang som er universelt utforma. Dette prosjektet er prisa til 0,5 mill.

Det har ikkje lukast å få på plass denne rampa i 2022, sjølv om det har vore eit sterkt ynskje frå Dale sokneråd, fellesrådet og kyrkjevevja

6.4.2 Omspikring av takutspring Vaksdal kyrkje

For om lag 10 år sidan vart hovudåtakket på Vaksdal kyrkje byta. Takutspring på kyrkja, samt taket på «konfirmantrommet» Sakristidelen av kyrkja vart ikkje tatt. Det vart lyst ut konkurranse tidlig i 2022. Fana Blikk vann denne konkurransen og har utført arbeidet.

6.5 Kommentatarar til investeringsramme på funksjon 043, gravplassar

6.5.1 Nye GPS oppmålingar og SOSI standard på gravplassane.

Som elles i samfunnet er det innanfor fagfeltet gravplass aukande digitalisering. Som krav til alle nybygde gravplassar ligg det no at det skal være SOSI-standard på gravkarta (*SOSI = Samordnet Opplegg for Stedfestet Informasjon*). Dette vil sei at alle graver skal ha eigne GPS koordinatar. Dette vil på sikt gjera arbeidet til administrasjonen og dei som gjer det fysiske arbeidet på gravplassen lettare.

Men før me kan gjera oss nytte av denne standarden står me framfor krevjande oppmålingar. Ein lyt rett og slett syte for at dei nye «GPS-karta» stemmer med det verkelege terrenget. Det manglar standard ting som fastmerke på fleire av gravplassane. Det er heller ikkje alltid gjort ein like god jobb når det gjeld å måle seg fram til kvar grava skal ligge. Dette gjer at over mange 10-år med omtrentleg måling er det ikkje mange snorrette rekker på gravplassane våre. Om me skal innføre SOSI standard vil det verta mykje praktisk arbeid på sjølve gravplassane. På enkelte gravfelt, vil ein nok måtte gå så langt at gravsteinar må flyttast. Me hadde i 2021 planlagt å starte opp dette arbeidet med eit forprosjekt. Me lukkast ikkje å få pengar frå kommunen til å gjennomføre dette prosjektet.

6.5.2 Utvidelse av Dale gravplass.

Vaksdal kommune gav i sitt budsjett for 2018 1 million i mildar til eit forprosjekt for utviding av Dale gravplass. I 2021 har reguleringsplanen for den nye delen av gravplassen blitt satt

igang. Reguleringsplan har tatt noko lengre tid en venta, og er ikkje ferdigstilt i 2022 Den totale investeringsramma på gravplassen på Dale vil ha ein minimumspris på 8 millionar. Den nye gravplassen vil innehalda nye element som t.d. namna minnelund. Kyrkjeleg fellelsråd ynskjer også å få etablert eit livsynsnøytralt rom på gravplassen

7.0 Kyrkjemusikk 2023

Kyrkjemusikken er tilbake for fullt, etter pandemien. Dette året har me fått gjennomført det som har vore planlagt. Kyrkjemusikken er ein viktig del av både gudstenesteliv, så vel som konsertar, korarbeid og andre kulturelle innslag.

7.1 Orgelundervisning

Det har i 2022 vore to orgelelevar som har fått undervisning i kyrkjene i vekselvis Nesheim og Eksingedalen kyrkje. Koret har også vore med på

- 20/2 15.00 Gudsteneste i Eksingedalen kyrkje .
- 10/4 15.00 Gudsteneste i Eksingedalen kyrkje på palmesøndag.
- 10/12 16.00 Adventskonsert i Eksingedalen kyrkje.

7.2 Stamnes barnekor

Stamnes barnekor hadde øvelsar januar-februar med Martha-Lise Handal Langeland som dirigent. Hausten september-desember var Kristin Straume Normann dirigent.

Ruben Gjertsen var akkompagnatør, og frivillige stod for mellom anna andakt

Liv Stamnes er leiar. Barnekoret opptredde på:

- 20/2 11.00 Gudsteneste i Stamnes kyrkje.
- 10/11 Basar på Stamnes bedehus.
- 18/12 16.00 Adventskonsert i Stamnes kyrkje.

7.3 Koraktivitet

Kilden øvde januar-juni og september-desember, dirigent var Ruben Gjertsen. Frå og med hausten 2022 har Ruben Gjertsen hatt nokre veker permisjon i arbeidet grunna kantorstudiet i Tromsø.

Åshild Rene er leiar for Kilden. Kilden opptredde i 2022 på fylgjande arrangement

- 19/3 18.00 Møte på Stanghelle bedehus.
- 22/4 19.00 Salmekveld med Kilden i Dale kyrkje, kyrjekaffi etterpå.
- 5/6 18.00 Gudsteneste på pinsedag i Bergsdalen kyrkje.
- 14/8 13.30 Konsert til inntekt for flygler i Dalesalen og Vaksdal kyrkje, frivillig konsert for Vaksdals musikkliiv.
- 22/10 18.00 Kultursalen Dale, åpningskonsert med felleskor og korps for Vaksdal Musikkråd.
- 1/12 19.30 Konsert i Vaksdal kyrkje til inntekt for flygel i Vaksdal kyrkje.
- 10/12 16.00 Adventskonsert i Eksingedalen kyrkje.

Julekor i Eksingedalen

Etter to år med koronakoronarestriksjonar var det igjen mogleg å samle julekoret i Eksingedalen. Koret hadde to øvingar, i Eksingedalen og Nesheim, og song på jolegudstenesta i Nesheim kyrkje.

Forsangerkor

Me har også hatt forsongarkor på høgtidsdagar

- 25/12 12.00 Juledagsgudstjeneste i Vaksdal kyrke. Her kunne eit forsangerkor for første gang synge de nye liturgiske høgtidsmelodiene.

Konsserter til inntekt for flygel

Nytt Yamaha C3 flygel er innkjøpt til Vaksdal sokn. Dette har soknet gjort på eige innitiativ. Det er gjort eit stort arbeid med å fullfinansiere dette innkjøpet. Det var ved utgangen av 2022 endå eit stykke igjen før finansieringa er på plass. Men me vonar å ha likande konsertar også i 2023.

- 14/8 13.30 Konsert til inntekt for flygler i Dalesalen og Vaksdal kyrkje på initiativ frå Tone Synnøve Øygard Steinkopf. Her ble det eit rikt og samansett program av både det profesjonelle og det lokale musikklivet.
- 1/12 19.30 Konsert i Vaksdal kyrkje til inntekt for flygel i Vaksdal kyrkje, ved Frida Amundsen med venner. Denne var svært godt besøkt og gav eit betydelig bidrag til finansieringa av flygelet.

Konsertar

- 14/4 10.30 Orgelresitasjon på skjærtorsdag i Stamnes kyrkje, ved Ruben Gjertsen.
- 15/4 10.30 Orgelresitasjon på langfredag i Eidsland kapell, ved Ruben Gjertsen.
- 15/4 10.30 Orgelresitasjon på langfredag i Vaksdal kyrkje, ved Ruben Gjertsen.
- 17/4 10.30 Orgelresitasjon på påskedag i Dale kyrkje, ved Ruben Gjertsen.
- 14/5 16.00 Orgelkonsert i Dale kyrkje ved Ruben Gjertsen, eit heilt program med musikk av Edvard Grieg.
- 5/6 10.30 Orgelresitasjon på pinsedag i Vaksdal kyrkje. Musikk av Charles Tournemire.
- 11/6 13.00 Planlagt orgelkonsert under Daledagene i Dale kyrkje ved Ruben Gjertsen ble avlyst pga. problemer med orgelet. En lekkasje skapte sure toner. Dette ble etter kort tid reparert av Dietrich Johannes Buder.
- 5/11 17.00 Minnekonsert for Ranghild Straume i Stamnes kyrkje med familien Maidre-Aarvik og sopransolist.
- 10/12 16.00 Adventskonsert i Eksingedalen med orgelelever, Kilden og Ruben Gjertsen. Adventstankar ved Lars Patterson.
- 11/12 19.00 Adventskonsert i Dale kyrkje i regi av Frode Vik.
- 18/12 16.00 Adventskonsert i Stamnes kyrkje ved Blanke Messingen/Ole Kristian Bonden, Ruben Gjertsen, Sunniva Gammersvik med elever, Stamnes barnekor, solosang ved Marta Lise Handal Langeland, Eirik Straume Normann og Trine Duesund Straume. Diktlesing ved Kristin Straume Normann.
- 18/12 19.00 Adventskonsert i Vaksdal kyrkje i regi av Frode Vik.

Gudstenester med ekstra musikkrefter

- 28/4 18.00 Ung Messe i Dale kyrkje. Thomas Lossius på bass og Ruben Gjertsen på orgel.
- 1/5 11.00 Gudstjeneste i Dale kyrkje med Dale mannskor/Lars Ragnvaldsen og Ruben Gjertsen på orgel.
- 8/5 11.00 Konfirmasjonsgudstjeneste i Dale kyrkje med solosong av Hege Anita Tveito.
- 15/5 11.00 Konfirmasjonsgudstjeneste i Stamnes kyrkje med solosong av Hege Eide Vik. Aksel Henning Holdhus spelte trompet.
- 6/11 16.00 Minnegudstjeneste i Dale kyrkje med solosong av Hege Anita Tveito.

- 24/11 12.00 Julegudstjeneste i Nesheim kyrkje. Julekoret, Alida Nesheim på fiolin og Ruben Gjertsen

Trusopplæring 2022

Kristin Straume Normann er fast tilsett i 50% stilling som trusopplærar i Vaksdal. Denne stillinga er løna gjennom statlege trusopplæringsmidlar. Trusopplæringa i Vaksdal blir kalla «Vegen». Vegen i Vaksdal vil gje born og unge høve til å vekse i tru. Vegen er livs- og trusopplæring for alle i Vaksdal frå dei er døypt og til dei er 18 år. Aktivitetane er sjølvstøtt og opne for born og unge som ikkje er døypte.

Gjennom trusopplæringa skjer det ein god del aktivitet i og rundt kyrkjene våre. Både nye tiltak og tiltak som har vore gjennomført i dei ulike sokna i mange år. Sjølv om trusopplærar har hovudansvaret for mange av prosjekta skjer det i nært samarbeid med sokneråd, prestar, organistar og eit stort tal frivillige. I mange høve er det dei ulike sokneråda som syter for at det er ressursar nok til at me kan ha alle desse tiltaka, til dømes når det gjeld frivillige og mat.



På vårparten i 2022 var me framleis prega av etterdønningane etter pandemien, og ikkje alt vart gjennomført heilt tradisjonelt. Til dømes **Tårnagenthelg** med årets åtte- og niåringar, der eit titals born inntok Vaksdal kyrkje i februar. I staden for ei lang laurdagssamling med grupper og mange leiarar involverte, gjekk borna i små grupper saman med føresette rundt på oppdagingsferd i kyrkja til ulike postar, før me samla alle til songøving og gudsteneste dagen etterpå. Ei kjekk oppleving!

Lys Vaken med årets elleveåringar vart òg gjennomført, med overnatting i Dale kyrkje i januar. Her var det 15 born med frå fleire av bygdene i kommunen, og dette er vorte ein fin tradisjon der me har gode, faste medhjelparar. I påska hadde me **Borna sin påskedag** både på Dale og i Eksingedalen, der me hadde ei påskevandring som ein del av gudstenesta, og fleire av borna deltok saman med presten i rolle som Jesus. Me hadde òg ståande ei påskevandring i kyrkja på Vaksdal.

Me hadde samlingar med **babysong og småbornssong** på Vaksdal og Dale kvar veke på vårparten, og rullerande mellom bygdene på hausten, så det var samling kvar onsdag. Til saman ca 20 born med foreldre nytta dette tilbodet i løpet av året, i tillegg til ein liten gjeng som deltok på tilsvarande opplegg i Stamnes bedehus ca ein gong i månaden.



Knøttesong for 1-5-åringar har me òg gjennomført ei stund, annakvar onsdag ettermiddag på Dale og tilsvarande på Vaksdal. I år deltok til saman 34 born på ei eller fleire av desse samlingane, og i snitt var det ca 5-10 på kvar samling.

Utdeling av bøker til fireåringane, seksåringane og tiåringane blei gjennomført lokalt i Eksingedalen, Stamnes, Vaksdal og Dale kyrkjer. Til saman 11 born mottok fireårsbok, 11 born mottok seksårsbok og 20 born mottok nytestamente rundt om i bygdene.

Me starta fleire nye tiltak under paraplyen **Superonsdag** på hausten 2022. I tillegg til allereie eksisterande Baby- og småbornssong og Knøttesong, fekk me dei nye tiltaka **Etter skuletid** for

5.-7. klasse og **Onsdagsklubben** for 1.-4. klasse. Superonsdag er altså kvar onsdag, men ruller mellom Vaksdal og Dale. På Etter skuletid var det til saman 20 stk innom i dei ulike bygdene, og på Onsdagsklubben var det til saman 19 born innom.

Konfirmantane 2021/2022 blei konfirmert på våren som vanleg. **Konfirmantane 2022/2023** var fyrste konfirmantkullet på fleire år som kunne gjennomføra konfirmantleiren på Fagertun, og der samla me alle til ein full og aktiv leir i september. Me heldt fram med å ha undervisninga i Dale kyrkje/Dale bedehus rett etter skuletid.

Andre tilbod til born og unge i regi av kyrkjelyden og/eller barne- og ungdomsorganisasjonar er tilbod som ikkje vert rekna som trusopplæringstiltak. Dette vert likevel sett på som positive tilbod som kan vere med og gje støtte til trusopplæringsplanen. Av tilbod fins det barnekor på Stamnes, søndagsskular og barneforeining som hadde faste samlingar også i 2023.



9.0 Diverse prisar og satsar for 2022

I samsvar med kyrkjelova §20

*Det vert ikkje kravd leige for våre egne arrangement i sokna.
Kyrkjevevja tek avgjerd om innkrevjing av leige eller utgiftsdekning.*

Pkt:	Aktivitet:	Satsar i 2022
1	Leigesats for kyrkja	Kr 2000,-
2	Leigesats for kyrkja der kyrkjetenar er til stades og arbeider Kyrkjetenar kostar 450 kr pr time, me reknar normalt 3 timar	kr 2000 + timar,-
3.	Leigesats for konsertar med billettinntekter. Kyrkjetenar 400 kr pr time, me reknar normalt 3 timar	2000,- + timar kyrkjetenar
4	Leige for kyrkja ved bryllaup for utanbygdes par, eller gravferd, med vår medverknad. Kyrkjetenar 450 kr pr time x 3 = 1350 Organist: 600 kr pr time x 3 = 1800 Bispedømekontoret sender eiga rekning for prestetenesta	Kr 2000,- + timar Normalt 5150,-
6	Leige av kyrkja til innspeling av musikk, utan vår medverknad, pr dag	kr 2000,-
7	Leige av kyrkja til innspeling av musikk, med vår medverknad: Det vert rekna timar for tilsette som deltek. Kyrkjetenar 450 kr pr time Organist:600 kr pr time	kr 2000- + timar
8	Graving av grav for avlidne ikkje busett i kommunen. (Desse satsane vert fastsette av kommunen, og varierer etter kva gravplass og årstid.) (Sjå Vedtekter for kyrkjegardane Pkt 1.1)	Frå 12.500 + moms (Høyr med kommunen)
9	Graving for nedsetting av urne, avlidne ikkje busette i kommunen(Desse satsane vert fastsette av kommunen, og varierer etter kva gravplass og årstid.) (Sjå Vedtekter for kyrkjegardane Pkt 1.1)	Frå 3500 + moms. (Høyr med kommunen)
10	Utanbygds: Urnenedsetting utført av tilsette	Kr 1600-

10.0 Kyrkjebladet for Vaksdal

Kyrkjebladet hadde 4 utgåver i 2022

Konto	Sum
Trykking	kr 53 000
Omfordeling/Porto	kr 24 000
Oppsett av bladet	kr 19 000
Annonseinntekter	kr 32 000
Bladpengar/Gåver	kr 40 000
Sum	kr 24 000

Arbeidet som staben har utført i samband med Kyrkjebladet er ikkje med i oppstillinga. Det vil vera eit fokus å auke annonseinntekter og gåveinntekter, slik at dette går i 0,- på sikt. Dagane før kyrkjebladet skal i trykken er det alltid hektisk aktivitet på kyrjekontoret. Sjølv om det er kyrkjevevja som er ansvarleg redaktør, er det sokneprest Frode Kvamsøe som tar på seg det meste av arbeidet. Både trusopplærar og kantorar bidrar til bladet. Me ser på kyrkjebladet som eit viktig medium for oss i kyrkja i Vaksdal. Bladet vert distribuert til alle husstandane i kommunen, og gjev oss ei god moglegheit til å fortella om arbeidet vårt. Undersøkingar som er gjort om kyrkjeblad på landsbasis visar at opp mot 90% av mottakarane les heile, eller delar av bladet. Dette betyr at kyrkjebladet nok er ein av de viktigste «kontaktane» kyrkja har med folket i Vaksdal.

11.0 Straumutgifter i kyrkjene

Bygg	2022	2021	2020	2019	2018
Dale	44000	27 185	16 701	23 513	24 180
Vaksdal	140000	105 677	76 720	111 311	91 420
Bergsdalen	74000	43 412	24 087	37 468	28 992
Stamnes	75000	52 910	26 046	35 252	29 515
Eidsland	40000	29 666	19 061	29 575	28 157
Eksingedalen	57000	40 852	19 721	28 412	22 732
Nesheim	36000	24 078	14 471	23 882	19 571
Kyrjekontor	40000	26 430	12 130	13 706	14 324
Sum	506 000	350 210	208 937	303 119	258 891

Straumforbruket til kyrkja i Vaksdal har vore eit fokusområde for fellesrådet. Desse er høge. Kyrkjene er gamle og dårleg isolerte bygg. Det er også store rom som krev mykje energi for å varme opp. Dei høge straumprisane som har vore i heile 2022 og spesielt mot tampen av året gjev grunn til bekymring. Energiforbruk er ein stor del av kyrkja sitt totale miljøavtrykk, og me arbeidar med tiltak for å få dette ned. Det totale straumforbruket eks mva i 2022 var på 506.000. Me ser at dette er ein auke på 40% frå førige normalår som var 2019. Det er verdt å merka seg at sjølv om bruken av kyrkjene var lav i 2020 og 2021 er straumutgiftene høge. I 2019 brukte VKF totalt 298.320 Kwh i 2022 brukte fellesrådet 285.253 Kwh. Dette er ingen signifikant skilnad men det er vert å merke seg at auka på 40 % er på tross av noko mindre

forbruk i Kwh i 2022. Om de ikkje hadde vore for at Vaksdal kommune vedtok å gi fellesrådet 350.000 i ekstra straumstønad hadde fellesrådet gått med meirforbruk i 2022.

12.0 Kommenterarar til vedlagt rekneskap

Rekneskapen er delt inn i fire føremål. Administrasjon, kyrkjer, gravplassar og andre føremål.

Me ynskjer å fokusere spesielt på føremål 043 som er gravplassane våre. Fellesrådet er gravplassforvaltning i Vaksdal, og gravplassane vert drifta på vegne av alle innbyggjarane i kommunen.

Denne delen av rekneskapen viser utgifter til drift av gravplassar. Løyvinga frå kommunen til dette kapittelet vert ikkje rekna som løyving til religiøse føremål, av di fellesrådet forvaltar kyrkjegardane på vegner av kommunen for alle innbyggjarane, uansett livssyn. Gravferdslova regulerer fellesrådet og kommunen sine rettar og plikter i høve til gravferder og drifta av kyrkjegardane.

Vaksdal kyrkjelege fellesråd har ein tenesteytingsavtale med Vaksdal kommune. Denne er frå 2011. Det er fleire ting i denne avtalen som er uklart. Fellesrådet sendte forslag til ny avtale til Vaksdal kommune i februar 2021. I 2022 fekk kommunestyret eit nytt forslag til avtale frå kommunen sin administrasjon. Saka vart vedtatt utsett sidan den kommunale administrasjonen ikkje hadde fått fellesrådet sit samtykke til denne planen.

12.1 Festeavgifter

Gravferdslova § 14. Feste av grav.

”Kirkelig fellesråd kan inngå avtale om feste av grav etter nærmere regler og vilkår fastsatt i gravplassens vedtekter. For feste av grav kan det kreves avgift.” ...

Festeavgifta er fastsett til kr 300,- pr år. Festeavgifta vert kravd inn for 5 år om gongen. Ei ny enkel grav, eller den fyrste av gravene i ein ny gravstad, har ein friperiode og fredingstid på 20 år. Vert det festa ei grav på sida av denne til bruk til dømes for ektefelle, vert det kravd festeavgift med det same. Ei grav kan festast til ho er 60 år, etter dette må ein søkje fellesrådet om løyve til framhald i festetida. Kommunen bestemmer storleiken på festeavgifta, etter forslag frå VKF.

Det vart i 2022 kravd inn festeavgifter for kr. 502.900 mot kr. 404.500 i 2021. Inntektene frå feste varierer noko frå år til år etter kor mange festarar som får faktura.

Det er til saman om lag 4 900 gravlagde på kyrkjegardane i kommunen, og alle skal vere registrerte med pårørande.

Det var i 2022 57 gravferder der 12 av dei var urnenedsetjingar. Dette viser at Vaksdal har ein kremasjonsprosent på kring 21%. Tala har gått ned med 5% sidan 2021. Dei siste åra har kremasjonsprosenten auka auka jamt og trutt sidan Vaksdal kommune bestemte seg for å dekke utgiftene til kremasjon for avdøde som har hatt bustadadresse i Vaksdal kommune. Me trur at talet kjem til å auke når me får på plass namna minnelunder for urner mm.

12.2 Sumarstell og gravlegat

Det er høve til å tinge stell av graver mot betaling. Det er registrert 30 aktive legat. Desse legata har konto i Sparebanken Vest. Det er om lag 40 festarar som har tinga sommarstell med faktura år for år. Til saman skal om lag 90 graver stellast, fordelt på alle gravplassane. Det er naturleg nok dei store gravplassane på Dale og Vaksdal som har flest stell.